



1211  
24  
1


SANCTISSIMI IN CHRISTO PATRIS  
ET DOMINI NOSTRI

# CLEMENTIS XII

## PONT. MAX.

# CONSTITUTIO

Qua immunitates & exemptiones quibuscumque, & quomodocumque, etiam Ordinibus Regularibus, Societatis Jesu, Ordinis Prædicatorum, & Eremitarum Sancti Augustini, nuper concessæ in damnum Camerae Apostolicæ, revocantur, vel ad terminos juris reducuntur, atque alia pro æquo & congruo stabiliuntur.



27

ROMÆ, MDCCXXXII.

Ex Typographia Rev. Cam. Apostolicæ.

1182

STATE OF NEW YORK  
IN SENATE

CLEMENTS

JOHN A. VAN

CONSTITUTION

Article I  
Section 1  
All legislative Powers herein granted shall be vested in a Congress of the United States, which shall consist of a Senate and House of Representatives.



AMERICAN

# CLEMENS

## EPISCOPUS

### SERVUS SERVORUM DEI

*Ad perpetuam rei memoriam*



Romanum Pontificem, videlicet servum illum, quem constituit Dominus super familiam suam, non solum spiritualium, sed etiam temporalium eiusdem familiæ indemnitati consulere decet, ut sublatis exemptionibus, indigentia injuriis, paterna vigeat caritas, quæ parum æquam filiorum prædilectionem, ignorans, singulis onus imponat, quod vires sustinere valeant, ac tribuat quod eorumdem merita exigunt. Quapropter innovans ea, quæ olim ab alijs Romanis Pontificibus Prædecessoribus suis pro temporum qualitate sancita fuerunt, alia decernit & statuit quæ, subinde pro diversa rerum, temporum, ac personarum conditione, conspiciat in Domino salubriter expedire.

I.

Summus Pontifex singulorum indemnitas consulit.

II.

Immunitates & exemptiones quibusdam concessæ, sunt ceteris graves.

Cum itaque, sicut accepimus, per quasdam immunitates, & exemptiones, a vestigalium, aliorumque onerum publicorum solutione, a nonnullis Romanis Pontificibus Prædecessoribus nostris, & Sede Apostolica, illiusque forsan de Latere Legatis, ac aliis ejusdem Sedis, & Cameræ nostræ Apostolicæ Officialibus, & Ministris ad importunas supplicantium preces per viam *Motus proprii*, sive alias quomodolibet concessæ reperiuntur, Cameræ prædictæ, ac Communitates, & Universitates Civitatum, Oppidorum, Terrarum, & Locorum temporalis Sanctæ Romanæ Ecclesiæ ditionis in gravissimis, quibus propter magnos sumptus, ante hac in causam publicam factos, multaque onera, propterea imposita, premuntur angustijs, maximam reddituum, & proventuum suorum diminutionem patiantur, & plurimi subditi nostri, ac præcipue pauperiores, in quos eius, quod ceteris, iisque, ut plurimum locupletioribus,

per immunitates, & exemptiones hujusmodi remittitur, onus derivari necesse est, ingenti damno afficiantur.

### III.

Summus Pontifex subditor suos gravaminibus levare studet.

Hinc Nos Camera, Communitatum, & Universitatum, subditorumque nostrorum prædictorum indemnitati, & leuamini, quantum cum Domino possumus, æque principaliter consulere cupientes, ac felicitis recordationis Sixti V. Pauli etiam V. Urbani VIII. Alexandri VII. Clementis X. Alexandri VIII. Innocentii XII. aliorumque Romanorum Pontificum Prædecessorum nostrorum, qui Constitutiones similium exemptionum, & immunitatum revocatorias ediderunt, vestigiis inherentes, nec non quarumcumque concessionum, immunitatum, & exemptionum hujusmodi, literarumque Apostolicarum sub plumbo, ac in forma Brevis sub annulo piscatoris, cedularum *Motus proprii*, & chirographorum, cujusvis Romani Pontificis Prædecessoris nostri manu subscriptorum, ac aliarum literarum, & scripturarum desuper quomodolibet editarum, pluriesque etiam confirmatarum tenores, etiam veriores & datas ac occasiones, & alia etiam speciali ac individua expressione dignas, præsentibus pro plene & sufficienter expressis, ac de verbo ad verbum insertis, respectivè habentes, *Motu proprio*, non ad cujusquam nobis super hoc oblata petitionis instantiam, sed ex certa scientia & matura deliberatione nostris, deque Apostolica potestatis plenitudine, hac nostra, perpetuo valitura constitutione, omnes & quascumque exemptiones ac immunitates a solutione subsidii triennalis, nec non quarti, illi adiuncti, taxarum equorum, tallearum, censuum, archivii, foglietta, triremium, utensilium, dohanarum quarumcumque Urbis, taxa Portus Anconæ, quaternorum, tractarum, pedagiorum, vestigalium, collectarum, macinatus, tam Urbis, quam universi Status tertii Julii superadditi, literarum Portus, & quorumlibet aliorum onerum & munerum personalium, realium, & mixtorum, ordinariorum, & extraordinariorum, solitorum, & insolitorum Cameralium quorumcumque, ac etiam eorum, quæ per Communitates, Universitates directe vel indirecte pro eorundem onerum Cameralium solutione, publicorumque munerum supportatione, ac pro viis & pontibus constru-

struendis, instaurandis, muniendis, & manutenedis, aliisque indigentis & usibus quibuscumque, tam Cameræ, quam Communitatum, & Universitatum prædictarum, seu alias, indicta & imposita, ac exigi solita sunt, nec non ab obligatione recipiendi Milites, & Sedis prædictæ Officiales, Baroncellos, & Executores, aliosque Justitiæ ministros, eisque utensilia, & alia necessaria subministrandi, per Romanos Pontifices Prædecessores nostros ac eandem Sedem Apostolicam, & quosvis Sedis & Cameræ prædictarum officiales & ministros, quacumque auctoritate & potestate fungentes, etiam S. R. E. Cardinales, etiam de latere Legatos, etiam Camerarios, ceterosque etiam speciali nota & expressione dignos, ac specialem ad id facultatem habentes;

## IV.

Immunitates quomodocumque & quibuscumque concessæ, revocantur.

Quibuscumque Communitatibus, Civitatibus, Terris, Oppidis, & Locis ditionis temporalis prædictæ S. R. E. ac etiam quibuscumque Feudatariis, Censuariis, Dominis Locorum, familiis nobilibus, Baronibus, Comitibus, Marchionibus, Ducibus, Principibus, & aliis cuiusvis status, gradus & conditionis & præminentie existentibus, ac quavis dignitate, etiam Ecclesiastica & auctoritate præditis, etiam Cardinalatus honore fulgentibus, qui castra & iurisdictiones intra limites dictæ ditionis temporalis eiusdem S. R. E. possident, etiam qui nihil ratione castrorum, & iurisdictionum huiusmodi, Sedi prædictæ seu alias persolvunt, & tam incolis, quam extraneis, & forensibus bona stabilia seu mobilia, vel semoventia habentibus & tenentibus seu possidentibus, omniumque supradictorum colonis & laboratoribus, Factoribus, Ministris, & Famulis, etiam in recompensam laborum, damnorum, expensarum, vel meritum, sive illorum intuitu & contemplatione, ac ex alia quacumque, quantumvis fauorabili, aut urgentissima specialiter exprimenda causa, sub quibuscumque verborum formis & expressionibus, etiam si in Appaltum, & Locationum Cameralium instrumentis, quantumvis auctoritate Apostolica confirmatis, permissum & cautum sit, eas observari debere, ac cum quibuscumque clausulis & decretis, etiam motu, scientia, deliberatione, & potestatis plenitudine paribus, etiam consistorialiter, alias quomodocumque & qualitercumque

que in genere vel in specie ad vitam vel ad tempus, sive in perpetuum concessas & datas, ac pluries & iteratis vicibus confirmatas & approbatas, revalidatas & innovatas, & inde etiam, iudicis auctoritate secuta, quæcumque, nec non quascumque literas, etiam Apostolicas sub plumbo vel in prædicta forma Brevis *Motus proprii*, cedulas, chirographa, & scripturas huiusmodi, ex nunc perpetuo revocamus, tollimus, abrogamus, irritamus, abolemus, viribusque, & effectu penitus & omnino vacuumus, & revocata, cassata, sublata, abrogata, irrita, abolita, annullata, viribusque & effectu vacua esse, nec ulli prorsus in petitorio aut possessorio etiam summarissimo contra nostrarum præsentium tenorem & dispositionem, suffragari posse; sed prædictos omnes exemptos ad omnium & singulorum onerum prædictorum solutionem & suppletionem pro rata teneri in omnibus & per omnia, perinde, ac si huiusmodi exemptiones & immunitates eis, & eorum cuilibet nullatenus concessæ fuissent, nec literæ, ac cedulæ *Motus proprii*, chirographa, & scripturæ huiusmodi nunquam emanassent, motu, scientia, deliberatione, potestatis plenitudine prædictis decernimus, statuimus, & ordinamus.

## V.

Quibuscumque Ordinibus regularibus, etiam Societati Jesu, & Ordini Prædicatorum concessæ.

Præterea omnia, & quæcumque Privilegia, & Indulta personis, tam secularibus, quam cujusvis Ordinis, Congregationis, & Instituti, ac Societatis etiam Jesu, Regularibus, etiam Ordinis Prædicatorum, super similibus immunitatibus, & exemptionibus, per quoscumque Romanos Pontifices Prædecessores nostros concessa, ad limites juris communis, pro usu proprio personatum Ecclesiasticarum, illarumque victu & vestibus tantum, habito respectu ad numerum personarum, motu, scientia, deliberatione & tenore paribus reducimus.

## VI.

Indulta mendicantibus per Benedictum XIII. concessa ad eum statum, in quo pridem erant, reducuntur.

Similia pariter, & alia quæcumque Privilegia, Indulta, ac Apostolicæ Constitutiones per Romanos Pontifices Prædecessores nostros hætenus edita, & præcipue per recolendæ memoriæ Benedictum Papam XIII. pariter Prædecessorem nostrum, favore Regularium Mendicantium, bona stabilia, tam in particulari, quam in communi possidentium, & pecuniarum usum retinentium,

ad

ad eum statum, in quo Regulares ipsi ante Constitutiones ipsas, & præsertim Prædicatorum ante vnam, quæ incipit: *Prestisus*, sub datum Setiæ anno incarnationis Dominicæ MDCCXXVII. ad eorundem, nec non Eremitarum Sancti Augustini, Ordinum, respective, fratres, ante alteram, quæ incipit: *Libenter*, sub datum eodem anno incarnationis Dominicæ MDCCXXVII. Kalendis Januarii, ad eorundem Eremitarum, respectivè favorem, ab eodem Benedicto respective editas Constitutiones, reperiiebantur, reducimus, & reponimus: nec non quamdam subinde inter ejusdem Ordinis Prædicatorum Fratres prædictos, & Cameram Apostolicam desuper vigore cujusdam cedulæ *Motus proprii* ejusdem Benedicti ipsius manu sub die decima mensis Decembris anni Domini MDCCXXVIII. signatæ initam concordiam, perinde ac si illa nunquam inita fuisset, de medio tollimus, illamque penitus & omnino abrogamus.

#### VII.

Ea vero Indulta, Constitutiones Apostolicas, ceteraque concessa per quoscumque Romanos Pontifices Prædecessores nostros; Regularibus Mendicantibus, altissimam paupertatem vere profitentibus, nullaque bona stabilia, ac pecuniarum usum, nec in particulari, nec in communi retinentibus, in eodem statu Exemptionum, quibus antea gaudebant, juxta eosdem terminos Juris communis observari volumus, atque mandamus.

Indulta Mendicantibus summam paupertatem vere profitentibus, nec bona stabilia aut pecuniarum usum habentibus concessa, ad terminos juris, ut pridem erant, reducta intelligantur.

#### VIII.

Illa vero, quæ nonnullis Collegiis in alma Urbe nostra existentibus, per dilectos Filios Clericos regulares Societatis Jesu, sive alios quoscumque administrari consuetis, similiter a Romanis Pontificibus Prædecessoribus nostris concessa fuerunt, & quibus ipsi hætenus gavisæ sunt, quoad victum, & vestitum dumtaxat, non autem, ut vulgo dicitur, à *Fundaco*, & *Magazeno*, prout antehac observatum fuit, suffragari volumus & decernimus.

Indulta Collegiis concessa, quoad victum, & vestitum tantum suffragari debent.

#### IX.

Ac demum similia Privilegia, & Indulta nepotibus, & aliis consanguineis, vel affinibus quorumcumque Romanorum Pontificum Prædecessorum nostrorum pro tempore viventium ab illis respectivè concessa, itidem

Indulta Consanguineis Summorum Pontificum concessa revocantur.



revocamus & abolemus, ac revocata & abolita esse, ac censeri debere volumus & statuimus; declarantes, illa nemini eorumdem Nepotum, sive Consanguineorum, vel Affinium, a die nostræ ad Summi Apostolatus apicem assumptionis, suffragari posse & debere, seu potuisse ac debuisse.

## X.

Exemptiones quibus-  
cumque de jure compe-  
tentes non revocantur.

Per præmissa autem non intendimus revocare exemptiones & immunitates quibuscumque personis Ecclesiasticis, tam Sæcularibus, quam Regularibus de jure competentes, neque Thesaurariis, Appaltatoribus, & Conduktoribus Bonorum, Introituum, & jurium dictæ Camere nostræ, ab ipsa Camera, vel ab aliis illius nomine in Appaltum, & locationum Instrumentis, & illorum ratione ex contractu, tituloque verè oneroso concessas.

## XI.

Nec exemptiones in  
vin. contractus con-  
cessas.

Insuper a revocationibus & aliis supradictis excipimus, & exemptas esse volumus, & declaramus Immunitates, & Exemptiones quibusvis Universitatibus, & personis datas & concessas in vim Contractus ex causâ verè onerosâ, videlicet congruæ & effectualis pecuniarum solutionis, & non alias eidem Camere Apostolicæ vel ipsis Communitatibus legitime factæ, vel ex aliis rationabilibus causis, per Nos cognoscendis & approbandis, ut infra, ac etiam declarandis, quas etiam causas onerosas, nonnisi legitimas & licitas, ac honestas, prout de jure, approbare intendimus; & propterea quicumque illas obtinent, eas in dictâ Camera, citato dilecto Filio ipsius Camere Commissario generali, verificato & in ipsa Camera examinari & admitti facere teneantur, etiam si Concessiones earundem immunitatum & exemptionum, ac Literæ, Cedula *Motus proprii*, Chirographa, & alia Scripturæ desuper emanata & emanata, alias in Camera prædictâ admittæ & admissa, ac in illa, ejusque libris registrata, & registrata fuerint & sint, quatenus tamèn causæ onerosæ hujusmodi pro verè onerosis & legitimis, ut præfertur, alias in eadem Camera verificatæ & approbatæ, ac prævia judiciali discussione, non sint legitime habitæ: quo casu ad indicationem tantum, non autem ad aliam verificationem eosdem obtinentes, teneri volumus. Interim verò quândiâ non fuerint verificatæ, minimè suffragari, &

9  
præsentis revocationis effectum retardare non posse declaramus.

Præterea nostræ intentionis non est, sub huiusmodi revocationibus, aliisque supradictis comprehendere immunitates & Exemptiones eisdem S. R. E. Cardinalibus, ratione dignitatis Cardinalatus, & Camera prædictæ Clericis Præfidentibus, aliisque Cameralibus, qui in eadem Camera sederunt & sedent, concedi, seu admitti solitas; nec illas, quibus Prælati, & Officiales Romanæ Curia, ac Prælati domestici, Cubicularii secreti, ac Secretarii & familiares, & continui Commensales nostri, & Romani Pontificis pro tempore existens, in Rotulo descripti, gaudent, & gaudere consueverunt, durante vita ejusdem Romani Pontificis, eorumque servitio, neque illas ob numerum duodecim filiorum a Prædecessoribus nostris, & aliis supra expressis, concessas, quas tamen ad terminos Constitutionis piæ memoriæ Pii Papæ Quarti Prædecessoris pariter nostri, quæ incipit: *Licet felicis recordationis Paulus*, cuius tenore his præsentibus pro plenè & sufficienter expresso, ac de verbo ad verbum inserto, haberi, illamque exactè, & admodum iuxta illius seriem & tenorem ac dispositionem in omnibus & per omnia servari debere volumus, & aliarum Constitutionum Apostolicarum, super huiusmodi exemptionum declaratione editarum, & ad illas tantum & pro tempore, & personis, ac eo modo & forma, quibus de jure communi illis competunt, & aliàs juxta ipsius juris communis, ac prædictarum, & aliarum Constitutionum Apostolicarum dispositionem reducimus, neque aliter quam, ut præfertur, sive in possessorio sive in petitorio suffragari volumus, & decernimus.

Ceterum Appaltatoribus, Thesaurariis, Depositariis, Commissariis, Executoribus, & ceteris Agentibus, Ministris Camera prædictæ ac Communitatum, & Universitatum prædictarum, earundem serie præsentium districte inhibemus, nè contrà ipsarum præsentium dispositionem immunitates & exemptiones, nisi, ut præfertur, exceptas, ac eas, quas ex causa vere ostensa concessas, in Camera prædicta, ut præfertur, admitti contigerit, ullatenus admittant, sique secus fecerint,

## XII.

Nec immunitates Cardinalibus, Camera Clericis, & Præfidentibus, aliisque Prælati, Curia, Officialibus, Cubiculariis secretis, aliisque concessæ.

## XIII.

Appaltatores, Thesaurarii, Depositarii, aliaque jam dictas immunitates non admittant

sint, id nemini eorum in suis computis, seu rationibus per eandem Cameram admitti volumus, sed eorum damno id cessurum esse declaramus.

## XIV.

Lites de rebus iisdem motæ, ad Summum Pontificem advocantur & extinguuntur.

Postremo lites quaslibet occasione Privilegiorum & Indultorum, necnon Immunitatum, & Exemptionum huiusmodi, quomodolibet motas & in quibusvis Tribunalibus pendentes; illarum omnium & singularum statum, & merita, nominaque & cognomina Judicum, & colligantium quorumvis & speciali mentione dignorum, & alia etiam de necessitate specialiter exprimenda, eisdem presentibus pro plenè & sufficienter expressis habentes, à quibuscumque tribunalibus huiusmodi ad Nos, earum serie presentium, advocamus, illasque penitus & omnino perpetuò suppressimus & extinguimus, ac prò suppressis & extinctis haberi volumus, & declaramus, ac Partibus perpetuum super his silentium imponimus.

## XV.

Nemo his literis contradicere & facere audeat.

Decernentes, easdem presentes ac omnia, & singula in illis contenta, etiam ex eo, quod quicumque in premissis, sive eorum aliquo interesse habentes, seu habere quomodolibet prætendentes, illis non consenserint, ac ad ea vocati & auditi, seu causæ, propter quas illæ emanarunt, adductæ, verificatæ, seu aliàs sufficienter, aut etiam ullatenus justificatæ non fuerint, aut ex aliâ quantumlibet legitima, pia, jurídica, & privilegiata causa, colore, prætextu, occasione & capite, etiam in corpore juris clausa, etiam enormis, enormissima & totalis læsionis, nullo unquam tempore de subreptionis, vel obreptionis, nullitatis, aut invaliditatis-vitio seu intentionis nostræ, vel quorumvis interesse habentium consensus, aut alio quovis, quantumvis magno, & substantiali, ac inexcogitato defectu, notari, impugnari & invalidari, restringi, retractari, in jus, vel contrarium revocari, suspendi, limitari, aut ad terminos juris reduci, seu adversus illas aperiitionis oris, restitutionis in integrum, aut aliud quodcumque juris, facti, vel gratiæ remedium impetrari; aut impetrato, seu etiam motu simili concessio quempiam in iudicio vel extra illud, uti, seu se juvare posse; neque easdem presentes, sub quibusvis similibus, vel dissimilibus Constitutionum, ac revocationum & ordinationum revocatio-

cationibus, suspensionibus, limitationibus, & aliis contrariis dispositionibus pro tempore quomodolibet factis comprehendere, aut comprehensas censeri; sed semper ab illis exceptas, & quoties illæ emanabunt, toties in pristinum & validissimum statum restitutas, repositas, & plenarie reintegratas, ac sub quacumque posteriori data, quatenus opus sit, de novo concessas, perpetuoque validas, firmas, & efficaces existere & fore, suosque plenarios, & integros effectus sortiri, & obtinere; ac omnibus, ad quos spectat, & quomodocumque spectabit inviolabiliter observari.

## XVI.

Quicumque Judices non aliter, ac in præsentibus continetur, definire audeant.

Sicque non alius in præmissis per quoscumque Judices ordinarios & extraordinarios ac Commissarios, etiam Causarum Palatii Apostolici Auditores, & eiusdem S. R. E. Cardinales, etiam de Latere Legatos, & quovis earundem Sedis & Cameræ officiales & ministros, ac alios quoscumque quavis auctoritate & potestate fungentes, nunc & pro tempore existentes, sublatis eis, & eorum cuilibet quavis aliter judicandi, definiendi & interpretandi facultate & auctoritate, judicari, definiri, & interpretari debere, ac irritum, & inane, si focus super his à quoquam quavis auctoritate scienter, vel ignoranter contigerit attentari.

## XVII.

Cardinali Camerario ceterisque Ministris Cameralibus mandatur, ut hæc omnia observent.

Quo circa dilectis filiis, nostro ac prædictæ S. R. E. Camerario, seu Pro-Camerario, necnon Vice-Camerario, Thesaurario, ac Clericis Præsidentibus, Commissario, & aliis dictæ Cameræ Officialibus, ad quos spectat, per Apostolica scripta præcipimus & mandamus, ut easdem præsentibus & in eis contenta quæcumque, in omnibus & singulis firmiter & inviolabiliter observent & faciant ab aliis observari, Contradictores quoslibet & rebelles, ac præmissis non parentes per sententias, censuras, & poenas Ecclesiasticas, allaquo opportuna juris & facti remedia; omni, & quacumque appellatione, recursum, & reclamacione remotis, compescendo, invocato etiam ad hoc, si opus fuerit, auxilio brachii secularis.

## XVIII.

Non obstantibus quibuscumque.

Non obstantibus prædictarum litem pendencia, necnon, recol. mem. Bonifacii Papæ Octavi de una, & in Concilio generali de duabus diebus, dummodo quis ultra

tres dietas extra suam Civitatem, vel dioecesim ad iudicium; earumdem vigore presentium, non trahatur; nec non una ad Ordinis Prædicatorum, ac altera prædicti Benedicti Prædecessoris ad Fratrum Eremitarum Sancti Augustini; respective, favorem Ordinis, Constitutionibus prædictis; nec non concordia cum prædicta Camera nostra, desuper, ut præfertur, celebrata, ceterisque gratiis & exemptionibus favore quarumcumque personarum a solutione onerum cameralium & aliorum quorumcumque, sive temporaliter, & ad vitam per eundem Benedictum Prædecessorem quomodolibet indultis, etiam per chirographa, & cedulas *Motus proprii* quomodolibet concessis; aliisque omnibus & singulis præmissis, nec non nostra & Cancellariæ Apostolicæ regula de jure quæsito non tollendo; ac quatenus opus sit, prædicti Pii Prædecessoris de gratiis, qualecumque interesse dictæ Cameræ concernentibus, in eadem Camera præsentandis & registrandis; itaut præsentés in ea præsentari aut registrari nunquam necesse sit, aliisque Apostolicis ac in universalibus Provincialibus Conciliis editis generalibus vel specialibus Constitutionibus, & Ordinationibus; nec non Provincialium, Civitatum, Terrarum, Oppidorum, Castrorum, & aliorum dicti Status, tam mediate, quam immediate subjectorum locorum, statutis, etiam confirmatione Apostolica, vel quavis firmitate alia roboratis, statutis & consuetudinibus, privilegiis quoque, indultis, concessionibus, exemptionibus, immunitatibus, licentiis, facultatibus, confirmationibus, Chirographis, Cedulis *Motuum propriorum*, & aliis Scripturis, & Literis etiam Apostolicis, Legatis, Prolegatis, Gubernatoribus, Prætoribus, aliisque Officialibus prædictis, ac quibusvis aliis, etiam Communitatibus, Universitatibus, Monasteriis, Hospitalibus, etiam Sancti Joannis Hierosolymitani, aliisque piis & non piis locis, etiam speciali nota & mentione dignis, etiam, potu, scientia, & potestate paribus, ac etiam Consistorialiter & de eorumdem Cardinalium consilio & consensu, sub quibuscumque verborum formis & tenoribus, ac cum quibusvis etiam derogatoriis derogatoriis, aliisque efficacioribus & insolitis clausulis, ac irritantibus & aliis Decretis, etiam in vim contrædictus jurati & Camerali obligatione vallati, & quovis alio

alio robore & cautela firmati, in contrarium præmissorum quomodolibet concessis, editis, factis & pluries ac iteratis vicibus confirmatis, approbatis & innovatis: quibus omnibus & singulis, etiam in illis caveretur expresse, quod nullo unquam tempore sub similibus vel dissimilibus facultatibus, licentiarum, concessionum, privilegiorum & aliarum gratiarum, prædictarum, revocationibus, suspensionibus, limitationibus aut aliis quibuscumque contrariis dispositionibus pro tempore edendis comprehendantur; sed semper ab illis excepta, & quoties illa emanarent, toties in pristinum & validissimum statum, etiam sub posteriori data per eos, quibus concessa sunt, eligenda, restituta, reposita, & plenarie reintegrata, ac de novo concessa sint & esse censeantur; nec non pro illorum sufficienti derogatione, de illis, eorumque totis tenoribus, specialis, specifica, expressa & individua, non autem per clausulas generales idem importantes mentio, seu quævis alia expressio habenda aut aliqua alia exquisita forma ad hoc servanda foret; tenores huiusmodi, ac si de verbo ad verbum indererentur, præsentibus pro plene & sufficienter expressis habentes, harum serie specialiter & expresse, ac latissime & plenissime derogamus, & derogatum esse etiam volumus, ceterisque contrariis quibuscumque.

## XIX.

Per præsentibus autem non intendimus quibus & singulis aliis privilegiis, indultis, & concessionibus, ab eodem Benedicto Prædecessore Prædicatorum, & Eremitarum Sancti Augustini, Ordinibus prædictis, & eorum cuilibet, respectivè, concessis, ac in una ad unius, & altera ejusdem Benedicti Prædecessoris, Constitutionibus prædictis, ad alterius Ordinum prædicatorum, respectivè, favorem, ut præfertur, editis quomodolibet contentis, & expressis in aliquo præjudicare.

Per præsentibus non præjudicatur ceteris privilegiis Ordini Prædicatorum & Eremitarum Sancti Augustini a Benedicto XIII. concessis

## XX.

Volumus autem, & Apostolica auctoritate decernimus, ut præsentium transumptis, etiam impressis, manu Notarii publici subscriptis, & sigillo persone in dignitate ecclesiastica constitutæ munitis, eadem prorsus fides in iudicio, & extra illud adhibeatur, quæ ipsis originalibus adhiberetur, si forent exhibitæ, vel ostensæ.

Præsentibus omnimoda fides adhibeatur.

Nemo eas infringere  
audeat,

Nulli ergo omnino hominum liceat hanc paginam nostræ revocationis, abrogationis, abolitionis, statuti, ordinationis, reductionis, repositionis, exceptionis, declarationis, inhibitionis, litium suppressionis, & extinctionis, silentii impositionis, decreti, præcepti, mandati, derogationis, intentionis, & voluntatis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei, ac beatorum Petri, & Pauli Apostolorum ejus, se noverit incursurum.

Datum Romæ apud sanctam Mariam Majorem anno Incarnationis Dominicæ millesimo septingentesimo trigésimo primo Idibus Januarii Pontificatus nostri anno secundo.

A. Card. Prodatarius.

F. Cardinalis Oliverius.

V I S A

De Curia J. Archiepiscopus Ancyranus.

Lucas Martinettus.

Registrata in Secretaria Breviarum.

Anno a Nativitate Domini Nostri JESU CHRISTI millesimo septingentesimo trigésimo secundo, die xviii, Februarii, Indictione decima, Pontificatus Sanctissimi in CHRISTO Patris & Domini Nostri, Domini CLEMENTIS Divinæ providentia Papæ XII. anno secundo, supradicta Constitutio affixa & publicata fuit ad portas Ecclesiæ Lateranensis, Basilicæ Principis Apostolorum, Cancellariæ Apostolicæ, Curia generalis in Monte Citorio & in acie Campi Floræ, ac aliis locis solitis & consuetis Urbis per me Bandinum Ceteri Apostolicum Curforem.

Nicolaus Cappelli Magister Curforum.



